

舊唐書札選



责任编辑：彭静中

封面设计：冯先洁

旧唐书札记

龚向农 编著

四川大学出版社出版发行（成都四川大学内）

四川省新华书店经销 红旗印刷厂印刷

开本787×1092毫米1/32

6.44印张 120千字

1990年4月第1版

1990年4月第1次印刷

印数1—1500册

ISBN 7-5614-0236-8/I·38 定价：2.10元



龚 向 农 先 生

目 录

旧唐书札遒卷一(本纪第一至第二十)·····	(1)
旧唐书札遒卷二(志第一至第十七)·····	(25)
旧唐书札遒卷三(志第十八至三十)·····	(47)
旧唐书札遒卷四(传第一至第五十)·····	(72)
旧唐书札遒卷五(传第五十一至一百)·····	(109)
旧唐书札遒卷六(传第一百一至一百五十)·····	(148)

附录

记龚向农先生·····	(188)
龚先生著述目录·····	(193)
附记·····	(197)
编后·····	(198)

旧唐书札迻卷一

高祖本纪

高祖以周天和元年生於长安，

《册府元龟》二元年下有十一月丁酉五字。《太平御览》百八引《唐书》，与今本同。案诸帝之生，本纪所书，有全具年月日者，太宗、《册府》、《御览》同。中宗、《册府》、《御览》引无日。睿宗、《册府》、《御览》同。玄宗、《册府》、《御览》同。德宗《册府》、《御览》同。是也。有书月几日，不书甲子者，代宗、《册府》同，《御览》引无日。敬宗、《册府》、《御览》同。文宗、《册府》同，《御览》引无日。武宗、《册府》、《御览》同。宣宗、懿宗、僖宗、昭宗、哀帝《册府》并同，《御览》引皆无日。是也。有不书日者，高宗、《册府》并同，《御览》同。顺宗、《御览》引同，《册府》有日。宪宗、《御览》引无月日，《册府》有月日。穆宗《御览》引同，《册府》有日。是也。有书日不书月者，肃宗是也。《御览》引同，《册府》有月日。有不书月日著，此纪是也。归史书成众手，体例不能画一。然高祖为创业之君，其生之月日，似不应遗。肃宗有日无月，尤非书法。乃《御览》所引，已同今本，则其讹漏久矣。

遣开阳府司马刘政会告威等谋反，

《册府》七开阳府作高阳府，皆误。《刘文静传》、《刘政会传》俱作虢扬府司马。当据以订正。

九月壬寅，

张宗泰云，大业十二年九月戊申朔，无壬寅。壬寅，八月二十四日。九月当在下戊午上。案下文戊午前尚有丙辰，则当在丙辰上。

世子建成为抚宁大将军。

《隐太子传》作抚军大将军。《册府》二百五十九同。当据正。

立皇高祖以下四庙於长安……

张云：皇字衍。案此时高祖为唐王，故张疑皇字为衍。然本纪乃史臣追称之词，似不必删。且古称祖考为皇考，亦通於士大夫也。闻人本高误帝。《校勘记》云：闻本高作辛，误。附正於此。

隋帝诏曰：……**罔**予小子，**奄**造丕愆，

奄造丕愆，《隋书·恭帝纪》载此 诏文 造作 逮。《御览》百七同。案《书·文侯之命》：罔 予小子，嗣造 天 丕 愆。则《旧书》作造者是。

冬十月……癸巳，诏傳行仁均所造戊寅历。武德元年

刘文淇云：癸巳，《通鉴》作癸亥，是。案十月壬申朔，则不得有癸亥。《通鉴》书此事於九月，盖别有本，不当改《旧纪》以从之。

封贼帅刘季真为彭城王，三年

刘季真见卷五十六《梁师都附传》，《通鉴》亦作季真。新纪作孝真误。浙局本依新纪作孝真，非。

秋七月……丙申，突厥杀刘武周於白道。三年

沈炳震云：七月无丙申，《新书》在五年。案《御览》百八引与此同。《旧书·刘武周传》云，武周自起至死凡六年。武周起在义宁元年，至武德三年，止四年。《新书》是

也，

夏四月己未，旧宅改为通义宫，六年

《御览》百八引旧宅上有幸字，当据补。沈本於旧宅上臆加通义里三字。局本从之，非。

一旦兵交爱子，矢集申孙。史论。

申孙闻人作申生，则与上文献公遂间於申生复。张谓当作奚齐，亦非。按《国语·晋语四》：乾时之役，申孙之矢集於桓钩。韦昭注：申孙，矢名。管仲射钩，亦兄弟争国事，故引为比，且与爱子借对耳。

太宗本纪上

拜右领大都督，右三军皆隶焉，

刘云：《册府》十九。《御览》一百九。领下有军字。案《高祖纪》，建大将军府，并置三军，分为左右。以世子建成为陇西公，左领大都督，太宗为煬煌公，右领大都督，不应有军字。《御览》百九。引《唐书》，亦无军字。二年十一月，太宗率众趣龙门关，

张云：二年字衍。此武德元年十二月也，当据《新书》删之。案太宗讨刘武周在武德二年，《高祖纪》、《太宗纪》及《通鉴》皆同。《新书·太宗纪》亦云二年十一月趣龙门关，屯於柏壁。张氏所云，不知何据。

七月，总率诸军攻王世充於洛邑，

《御览》一百九。军作将。凡诸书异同《校勘记》未引者，补之。壬辰，太子少保宋国公肖瑀为尚书左仆射。贞观元年

上文三月肖瑀为太子少师，则非少保也。《册府》七。二。作师，当据正。

十二月……癸丑，三年

上有戊辰、癸未，不应有癸丑。癸丑上当依《新纪》补闰月二字。

是岁，……高丽、新罗、……高昌、……相次遣使朝贡。

十三年

刘云：《御览》一百九。作高丽、新昌。上文侯君集伐高昌，无缘朝贡，作高丽是。昌疑作罗。案《御览》宋本作高昌。鲍刻本高丽、新昌四字作小注，未足据。高丽、新罗上文已见，刘校非。

又案《册府》九百七十。载是年朝贡者，有波斯、康国、昆明、焉耆、高丽，与此纪同。又有薛延陀、百济、流鬼、诃陵、独和罗、鬲宾，则此纪所无。而此纪之新罗、西突厥、安国、疏勒、于阗、高昌、林邑，《册府》并不载。

争上万岁寿，十六年

《御览》百九。万上有千字。

诏以左邱明、……范宁等二十一人，命配享宣尼庙堂。二十一年

《儒学传》叙及《册府》五七。载此诏同。《礼仪志四》范宁下有贾逵。二十一人作二十二人。《唐六典》祠部、国子监。《唐会要》同。盖贾逵增祀在贞观以后，故《礼仪志》、《会要》皆不以时次，前二十一人叙次时代皆不紊。叙之於末欤？合钞本据《礼仪志》增改，非。

上元元年八月，改上尊号……

唐有两上元年号。此文下有天宝十三载改上尊号，则非肃宗之上元可知。沈氏合钞於上元上增高宗二字，赞。

高宗本纪上

吐蕃使人献马百匹及大驴可高五丈，广袤各二十七步。

永徽五年

《册府》九百七十。作大佛庐高五尺，尺当作丈。广袤各三十七步。案佛庐当作拂庐。《吐蕃传》云：贵人处於大毡帐，名为拂庐。《新书·吐蕃传》云：有城郭庐舍不肯处，联毳帐以居，号大拂庐，容数百人。部人处小拂庐。《册府》九百六十一。叙吐蕃土风云：坐大毡帐，连帐张大下庐，其拂可坐数百人。下字拂字疑当互易。其百姓皆居小拂庐。今本脱拂字，庐又讹驴，遂不可通。

高宗本纪下

三品已上赐爵二等，四品已下、七品已上加阶，乾封元年

张云：加阶下疑脱二等二字。案当作加两阶。《武后纪》：万岁登封元年，制内外官三品已上通前赐爵二等，四品以下加两阶。正依麟德故事也。

又案《册府》八十。载乾封元年正月壬申，诏诸行从文武官等三品以上赐爵一等，四品已下，加授一阶。丁丑，又诏赐爵一等者，宜加为二等。加一阶者，七品已上宜加二阶。八品已下，更加勋官一转。本纪以丁丑所加并入壬申中，下仍书丁丑以前恩薄，普进爵及阶勋等，似於前恩外更有所加矣。

男子赐古爵。同上

《册府》八十。载，壬申，诏天下百姓年二十已上八十已下赐爵一级，即此所谓赐古爵也。唐世已无所谓民爵，特

仿秦、汉诏书之文而已。

二月戊寅，乾封三年 总章元年

前已有二月，此复见者，以是月丙寅改元总章。戊寅日则为总章元年之二月也。下总章三年三月甲戌朔，改元咸亨，又书三月丁丑，与此同。盖旧史例如此。合钞本删复见二月三日字，非。《睿宗纪》：延和元年八月甲辰改元，先天下亦复见八月。

则天皇后本纪

垂拱元年春正月，

刘云：《册府》十五。正月下有丁未朔。案《旧书》於《武后纪》每年书日者仅二三见。有全年不书日者，垂拱元年、二年，载初二年，长寿元年，延载元年，万岁通天二年。殆史臣有意略之，以与诸帝纪异邪？

改永昌元年十一月为载初元年十二月为腊月。

载初元年下，

疑脱正月二字。

摇动豕嫡，宁惟握盞之祸；圣历三年

握当作掘。《杨纂传》载此诏不误。

中宗本纪

比汉、晋之惠、盈辈为优，史论。

汉惠受制於母，晋惠受制於妇，比之中宗，犹觉彼优於此也。合钞改优为尤，张谓优当作劣。皆非。

睿宗本纪

己巳，册平王为皇太子。大赦天下，改元为景云。

刘云：《册府》十五。册玄宗为皇太子，是日有景云之瑞，改元。今本无景云之瑞句。上文封少帝为王，下有其日景云见，似为此处逸文。案刘说非。上文睿宗即位，其日景云见，一事也。《玄宗纪》皇太子受册，是日有景云之瑞，改元为景云，此又一事也。《册府》所叙，已载《玄宗纪》，不应复见于此。

二月丁酉，太极元年

是年正月辛未朔，丁酉为二十七日，二月二字当移下文丁巳今本误丁亥，依沈氏、张氏校改。之上。

玄宗本纪上

因以中旨告岐王范、薛王业、兵部尚书郭元振、将军王毛仲，取闲厩马……

刘云：将军王毛仲下，《御览》百十一。有少监姜皎、中书侍郎王珣、吏部侍郎崔日用等定计因毛仲二十三字。案《校勘记》据《册府元龟》所载唐事及《太平御览》所引《唐书》，仇比今本，往往详略迥异。盖《册府》所载，乃据唐各朝实录，及韦述、柳芳诸书编撰成文。《御览》所引《唐书》，亦或本诸韦述等旧史，皆不尽本刘昫书，未可据以增窜今本。惟如此条《御览》所引，则确系今本误夺，当据以补正。类此尚多，举此为例。余具《校勘记》，览者自能别之，不悉出。九月，司空兼扬州大都督、宋王成器为太尉兼扬州大都督，益州大都督兼右金吾大将军、申王成义为司徒兼州大都督，成器自司空晋太尉，成义为司徒而兼大都督如故。故纪

文复述之。张校疑复举为衍文，非是。

开元元年十二月……开元元年

前已有十二月庚寅朔，大赦天下，改元为开元。兹又复书开元元年十二月，盖旧书例如此。《中宗纪》神龙三年八月庚子，改元为景龙。下又书景龙元年九月。《睿宗纪》景龙四年七月己巳，改元为景云，下又书景云元年七月己巳，例与此同。沈本删此七字及《中宗纪》景龙元年九月六字而《睿宗纪》之景云元年七月六字未删，进退失据矣。

夏四月庚寅，兰池州叛胡显首伪称叶护康待宾、安慕容，为多览杀大将军何黑奴，伪将军石神奴、康铁头得蒙贡泉县，攻陷六胡州。兵部尚书王晙陇右诸军及河东九姓掩讨之。

九年

《册府》九百八十六。开元九年四月，兰池州叛胡显首伪称叶护康待宾、安慕容，为多览杀大将军何黑奴，伪将军石神奴、康铁头等据长泉县，攻陷六胡州。《张说传》：九年四月，胡贼康待宾率众反，据长泉县。自称叶护，攻陷兰池等六州。此纪据长二字讹为蒙黄，当据正。得字亦当据《册府》作等。何黑奴以下，盖皆叛胡姓名。刘校谓伪将军疑作偏将军，非。上文为多览杀四字，疑有脱误。《册府》下又云：壬申，兰池州叛胡显首，伪称叶护康待宾伪称叶护安慕容以叛。《通鉴考异》引《实录》，康待宾上无伪称叶护四字。则安慕容疑亦叛胡姓名。其云显首，不得其义。然《册府》两见，皆与纪同，则非误字。张校改首领，非。惟此事旧史张说、王晙、韦抗等传，叙述不详。《册府》九百八十六，九百九十二，亦仅载讨伐诏书，纪文脱误，末由尽正耳。

庚辰，幸并州、潞州，宴父老，曲赦大辟罪以下，给复五

年。十一年

《册府》八十五。庚辰幸雒州，曲敕大辟罪以下，给复五年。是月癸巳，车驾在并州，敕百姓宜给复一年，九等户给复三年，元从家给复五年。刘云：前所云给复五年，指去年雒州被水百姓。后之给复分三等，乃指并州百姓事，理较明。《通鉴》：庚辰至潞州，给复五年。辛卯至并州，无给复，亦不载幸雒州事。案前已书已巳北都巡狩，《册府》百十三。亦云：正月已巳，发东都，北巡狩。岂有中间还幸雒州之理。《册府》雒字，原本当作洛，即潞字之讹。明刻避光宗讳，改作雒。《巡幸篇》百十三作庚辰幸潞州，不误。玄宗尝为潞州别驾，故给复优於并州，非如刘说。惟《册府》潞州并州给复系两事，旧纪合而一之，未免太简，失事实耳。

回纥部杀王君奭於甘州之巩笔驿。十五年

《新书·地理志》甘州有巩笔驿，笔不成字，俗书筆作笔，因误为笔耳。《王君奭传》作笔，亦笔之误。张改为笔，误。

是春，命侍臣及百寮每旬假日寻胜地宴乐，仍赐钱，令所司供帐造食。丁卯，侍臣以下宴於春明外宁王宪之园池，上御花萼楼邀其回骑，便令坐饮，递起为午，颁赐有差。十八年

沈德潜云：文在夏四月，下四月不当云春，疑三月中事误书於此。沈炳震云：是春以下皆属二月事。三月无丁卯，四月不当云春也。案《册府·宴享篇》百十。：十七年此下叙八月降诞日宴享事，后乃云三月，则三月上当脱十八年三字。三月命侍臣云云，五月丁卯侍臣以下云云，与此纪同。则是春以下二十七字当移前三月末，丁卯以下卅八字当移於五月下。然是年五月甲申朔无丁卯，疑有误。

余並以酒醕充奠。二十二年

醕当作脯。

玄宗纪下

太子宾客李尚隐卒。二十八年

王鸣盛云：尚隐校本作朝隐。案李尚隐见《循吏传》，其卒官卒年，皆与纪合。校本误。闻人本尚作商，尤误。

以太原裴佑先为工部尚书。韦虚心卒。二十九年。

裴佑先书郡，韦虚心不书官，非史例。佑先，绛州人，亦非太原也。《新书·裴炎传》佑先历官太原、京兆尹。

据玄宗肃宗纪。佑先於开元十八年已为京兆尹，其为太原尹在后，新书叙次小误。终工部尚书。此太原下脱尹字，当重工部尚书字。下壬午以裴宽为太原尹，即代佑先也。

戊戌，言玄元皇帝见於华清宫之朝元阁，天宝七载

《册府》十四。无言字。

仗下从，士庶恐骇，奔走於路。十五载

《御览》百十一从作后，是仗下后句绝。刘校云：《御览》作从，所据本异。

上元二年四月甲寅，崩于神龙殿，

二年当作三年。上元二年九月去元号但称元年。明年四月乙丑，改元宝应。玄宗崩在甲寅，不可云宝应元年，又不可但称元年，故云上元三年。《天文志》上元三年下注云：时去上元之号，即存之以正年。是其例也。校者以上元无三年而改之。

肃宗本纪

时从上惟广平、建宁二王及四军将士，才二千人。

《册府》四军作六军。《御览》百十二。引亦作四军。案唐初置左右羽林军。玄宗改万骑营为左右龙武军，谓之北门四军。肃宗在凤翔始置左右神武军，乃有北衙六军之称。此时犹未有六军，而此纪前云至马嵬顿六军不进，盖史臣从后追称之。此及《杨贵妃传》云四军不散，犹是当时语也。

九品已上加两阶赐两转，至德元载

《册府》八十。赐下有勋字，当据补。

持四节，与回纥叶护太子率兵四千助国讨贼。二载

刘云：《御览》百十二。引作持节，无四字，是也。案宋本《御览》有四字，俟考。

贼将尹子奇陷睢阳，害张巡、姚鼐、许远。二载

《御览》百十二。引许远上有执字。案许远被执不屈，死在睢阳陷后。本纪据当时事书之，执字当据补。

乙巳，上御兴庆宫，奉册上皇徽号曰太上至道圣皇大帝。

三载

刘云：《御览》百十二。御作诣。案宋本《御览》作御兴庆殿。《册府》十六。亦云：是月乙巳，於兴庆殿册太上皇尊号云太上至道圣皇天帝。

戊辰，上进炼石英金龟於兴庆宫。乾元元年

《册府》二十七。乾元元年四月戊辰，帝进太上皇烧丹灶，诰曰：吾比年服药物，比为金灶煮炼石英。自经寇戎，失其器用，一昨早朝遽闻进奉云云。今本灶讹作龟，当据正。

代宗本纪

以开元十四年十二月十三日生于东都上阳宫。

《册府》二作十月十三日，云：时玄宗幸汝州之温阳当汤，有望气者云：宫中有天子气。玄宗即日还宫，是夜帝降诞。又云：宝应元年十月，宰臣等上言今月十三日皇帝降诞日。下叙降诞日庆祝凡七事，皆云十月。检《玄宗纪》幸汝州广成汤，亦在十月。当据正。

又案《玄宗纪》十四年十月庚申幸汝州，己巳还宫。是月乙巳朔，庚申为十六日，己巳为二十五日，与《册府》所云是夜帝降诞者不合。岂玄宗初幸汝州，未至而返。代宗生后，乃再幸欤？

无复储拟。广德元年

张云：拟当为侍。案拟字不误。

仍逼前翰林学士李可封为制封拜。同上

闻人本李作于。《御览》百十二。引亦作于。《邠王守礼传》《章怀太子附传》，子承宏，广德元年吐蕃立承宏为帝，以于可封，霍瓘等为宰相。则作于者是。

尚品息赞磨、永泰元年

《御览》百十二。引作尚给思赞磨。《通鉴》作尚结悉赞磨。

《册府》九百八十七亦作结。

富国之源，必均节用。

《册府》四百九十。作必在均节。《周礼》：太宰以九式均节财用。诏文本此。今本作必均节用，义不可通。当据正。

乃者遵冉有之言，同上

冉有当作有若。

夏四月戊申，乾陵上仙观之尊殿有双鹄衔紫泥补殿之隙缺，凡十五处。大历八年

《五行志》大历八年四月戊申，乾陵上仙观之尊殿有双鹄衔泥及柴补殿之巢当作隙坏。凡十五处。《册府》、《御览》引略同。已具《校勘记》，衔紫泥当作衔柴及泥。

德宗本纪上

乙巳，遣太常少卿韦伦使吐蕃，以蕃俘五百人还之，修好也。

《御览》百十三。修上有示字。

制：宣王某可立为皇太子。

《御览》作立宣王诵为皇太子。

立政兴化，兴化元年

《御览》立政作克致。《陆宣公集》、《通鉴》俱作致理。

小子惧德弗嗣。同上

《御览》小子上有予字。《陆集》同。

继守藩维，同上

《御览》维作条。

戊申，……今本误戊寅，据《通鉴》改。是日，李晟自咸阳移兵东渭桥，避怀光也。晟以怀光反状已明，请上幸蜀。……甲子，加李怀光太尉，仍赐铁券，……上命翰林学士陆贄晓谕之。同上

《御览》百十三。引作二月甲子，加连城郡王李怀光太尉，仍赐铁卷，赦三死罪。怀光怒曰：凡人臣反逆，乃赐铁卷，恕以不死。今怀光是反定矣，乃投之於地。上闻怀光将